



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Patriarchæ Alexandrino.

urn:nbn:de:hbz:466:1-20020

Romani Pontificis Lib. XVI. 759

cedendum, ut de virorum prudentum consilio salubriter statuas quod terrae sanctae utilitati secundum Deum yideris expedire.
Datum &c.

ILLUSTRI REGI Francorum.

Epiſt. 33.
Ei commendat
Legatum apo-
stolicum.

Quam sincerum dilectionis affectum erga te ac filium tuum & regnum Francie habeamus novit ille qui testis est in celo fidelis, cuius super hoc testimonium securè possumus invocare. Adeo quippe regni tui exaltationem diligimus, privilegiata semper opera commendantes quae processerunt de ipso, quod aequanimius Ecclesia Romana quam ipsi regno sustineremus magnum aliquid adversitatis accidere, cum facilis haec quam illud ab imminentibus posset periculo liberari. Ut ergo super hoc amplius securus reddaris & certus, mittimus ad tuam regalem praesentiam dilectum filium nostrum Robertum tituli sancti Stephani in Cœlio monte Presbyterum Cardinalem apostolicæ sedis Legatum, virum utique probata honestatis & fidei, qui ea quæ pleniū accepit à nobis, expressius tibi referat viva voce; serenitatem tuam rogantes & exhortantes in Domino quatenus eum benignè recipias & honestè pertractes, ipsius acquiescendo salubribus monitis & consiliis propter Deum. Datum.

In eundem modum nobili viro Ludovico carissimi in Christo filij nostri Philippi Regis Francorum illustris primogenito.

In eundem modum nobili malieri Blanche uxori nobilis viri Ludovici carissimi in Christo filij nostri illustris Regis Francorum primogeniti.

PATRIARCHÆ Alexandrino.

Epiſt. 34.
Consolatur eū,
& invitat ad
Concilium.

Ex litteris quas aliquotiens tua nobis fraternitas destinavit & aliis quoque indicis cognovimus evidenter te non solum ad sacrosanctam Romanam Ecclesiam matrem tuam, vertum etiam ad personam nostram specialiter devotionem habere debitam & devotam. Propter quod habentes te in visceribus caritatis, tibi compatimur in tribulationibus quas pateris & pressuris: quamquam & tibi & nobis sit in eis potius glorandum, cum id quod in praesenti est momentaneum & leve tribulationis hujusmodi, supra modum in sublimitate pondus æternæ gloria operetur, nec sint condigne passiones hujus temporis ad futuram gloriam revelandam in illis qui pro Christi

nomine patiuntur. Propter quod Apostolus sibi placebat in infirmitatibus suis, in contumelias, in necessitatibus, in persecutionibus, & angustiis quas sustinebat pro Christo, & cum infirmabatur, tunc maximè potenserat, sciens quod virtus in infirmitate perficitur, & quod licet per eam homo corrumperatur exterior, interior tamen per eandem jugiter renovatur. Timentibus enim Deum omnia cooperantur in bonum, qui suos non solum de tribulationis angustia liberat, sed etiam in ipsa tribulatione dilatat, ut quasi meridiaputus fulgor consurgat eis ad velperam, & cum se consumptos putaverint, ut lucifer oriantur. Benedicas igitur Deo & patri Domini nostri Iesu Christi, qui te in omni benedictione spirituali secundum gratia sue divitias benidixit, & ut es essemus immaculatus in conspectu ipsius, dedit tibi ut non solum credas in Christum, sed pro Christo etiam patiaris. Porta ergo, carissime frater, in corpore tuo stigmata Iesu Christi, per quem mundus tibi crucifixus est & tu mundo. Stabilis esto, & adversus mundanas adversitates immobilis, abundans in opere Dei semper, sciens quod labor tuus non est inanis in Domino, & sicut in te Christi passiones abundant, ita & per Christum abundet confortatio tua, qui te supra id quod potes non patietur tentari, sed faciet in ipsa tentatione preventum, ut valeas sustinere; cum jam ipso docente didiceris in quibus es esse sufficiens, & cum Apostolo scias satiari, scias & esurire, & abundare, & penuriam pati, ac possis in eo qui te confortat omnia tolerare. Fideles quoque ab infidelibus in captivitate detentos sedulis exhortationibus corroborata & confirma, ne deficiant in tribulationibus suis, sed cogitantes in lucta victoriam & premium in labore, bonum certamen certare non desinant, & cursum servando fidem feliciter consummare; ut de reliquo coronam iustitiae meritò valeant expectare, quam reddit eis in illa die Dominus iustus judex; scientes quod nos ad liberationem eorum studium diligens & operam efficacem, si defuper datum fuerit, fatigimus adhibere. Denique ad tuam duximus notitiam preferendum quod cum inter omnia desiderabilia cordis nostri duo in hoc seculo principaliter affectemus, ut ad recuperationem videlicet terrae sanctae ac reformationem universalis Ecclesie valeamus intendere cum effectu, hoc ad exequendum prædicta de fratrum nostrorum consilio providimus faciendum, ut sciucet

quia hæc universorum fidelium communem statum respiciunt, generale Concilium juxta priscam sanctorum patrum consuetudinem convocemus opportuno tempore celebrandum; in quo ad extirpanda vita & plantandas virtutes, corrigendos excessus, & reformatos mores, eliminandas hæreses, & roborandam fidem, sopianas discordias, & stabiliendam pacem, comprimendas oppressiones, & libertatem fovendam, inducendo Principes & populos Christianos ad succursum & subfidium terræ sanctæ tam à Clericis quam laicis impendendum, cùm ceteris quæ longum esset per singula numerare, providè statuantur, inviolabiliter observanda circa Prælatos & subditos regulares & seculares, ad divini nominis gloriam & honorem, remedium & salutem animarum nostrarum, ac profectum & utilitatem populi Christiani; Patriarchis, Archiepiscopis, & Episcopis per universas ferè Christianorum provincias constitutis per scripta nostra mandantes ut se taliter studeant præparare quod à præsentis dominicæ incarnationis millesimo ducentesimo tertio decimo anno usque ad duos annos & dimidium, præfixis sibi pro termino Kalendis Novembbris, nostro se confœctui repræsentent cum modestia & cautela; ita quod qui canonica forte præpeditione detenti personaliter venire nequierint, aut remanserint pro Christianis ministeriis exercendis, idoneos pro se dirigant responsales. Quia igitur in tanto negotio tuam desideramus habere præsentiam, fraternitatem tuam rogandum duximus & monendam, per apostolica tibi scripta mandantes quatenus, si fieri poterit, personaliter ad præsentiam nostram accedas termino suprascripto. Quod si forsan venire nequieris, saltem aliquem virum idoneum pro te ad Concilium mittere non postponas. Tu denique, venerabilis frater in Christo, turum nobis apud justissimum judicem & piissimum patrem orationum impertire suffragium, quo plurimum indigemus.

D V C I E T P O P V L O
Venerorum.

Epiſt. 35.
De negotio
terre sanctæ.

A Memoria vestra non excidit quam solemni voto vos ad terræ sanctæ subſidium astrinxistis. Licet autem propositum vestrum ad alia postmodum declinaverit, votum tamen nihilominus in sua firmitate permanxit: quia etsi cuique sit in uovendo libertas, est tamen necessitas in reddendo, cùm sit icriptum: *Vovete, & reddite Domi-*

no Deo vestro; quorum primum pertinet ad consilium, secundum pertinet ad præceptum. Cùm igitur opportunum vobis tempus immineat reddendi Domino vota vestra, universitatē vestram rogamus, monemus, & exhortamur in Domino, per apostolica vobis scripta præcipiendo mandantes quatenus vos taliter præpareris quod non transgressores voti, sed executores diligentes inveniamini & fideles; pro certo scientes quod si fortè divino timore postposito negligeretis efficeret quod mandamus, grave vobis imminet salutis dispendium apud Deum & infamia quoque opprobrium apud mundum; quemadmodum ē contrario, si quod vobis injungimus curaveritis adimplere, & laudem apud homines temporalem & mercedem apud Deum merebitur semper eternam.

ALBERTO HIEROSOLYMITANO
Patriarche apostolice sedis Legato.

P Ium & sanctum propositum quod de subventione terræ sanctæ pro communi utilitate Deo inspirante concepimus & perducere fatigimus ad effectum, ex generalibus litteris ad universas penè Christianorum provincias destinatis, quorum tibi transcripta dirigimus, intelliges manifestè. Super quo tantò pleniori gaudio hilaresces quanto profectò id ardenter desiderio affectasti. Ne verò detestabilis conversatio quorundam inhabitantium terram ipsam hujus salutaris executionem propofisti aut impedit aut retardat, cùm Deum suis nefandis operibus non ad indulgentiam provocent, sed ad iram, carissimam nobis tuæ fraternitatis prudentiam obsecramus in Domino quatenus more prudentis medici ad lethalem eorum plagam curandam diversis experimentis utaris, eoque studeas ad veram pœnitentiam revocare, si forte salubribus acquiescendo consiliis, divinae virtutis accipiant medicinam, per quam divinæ sentiant medicinæ virtutem. Licet autem dura Sarracenorum perfidia non consueverit humilibus Christianorum precibus emolliri, ut tamen ille nostram humilitatem respiciat qui superbis resistit, humilibus vero dat gratiam, de virorum prudentum consilio divinum præ oculis timorem habentium, Soldanum Damasci & Babylonie, qui hereditatem Christi detinet occupatam, apostolicis providimus litteris humiliter premonendum secundum formam quam in ipsis litteris videbis expressam. Nam & dispositiibus nostris auditis, quæ utinam eum possent

Epiſt. 36.
De negotio
terre sanctæ,
& ut accedit
ad Concilium
geocata.